

María Estela Ríos González

Chapanwanej li lok'em ta nopjun yu'un Derecho ta Universidad Nacional Autónoma ta México yu'un jich lekaj lok' te ya'tel. Ja' nix jich nopteswanej yu'un te Derecho Laboral ta Centro Universitario Emmanuel Kant (titulada) ja snopoj yu'un te maestría ta Ciencias Políticas ta UNAM.

Ta yuilal octubre yawilal 2024 ich'ot ta muk' ik'ot ta muk' atelil yu'un Directora ta spisil yu'un te Derecho Parlamentario Comparado sok Sistematización Jurídica tey ta Instituto Belisario Domínguez ta Senado yu'un República.

Ta cheb yu'un te septiembre ta 2021 k'alal ta lajuneb scha'winik yu'un 2024 k'ax ta consejera Juridica yu'un Ejecutivo Federal, ja' laj yiltiklan ta spasel te bayeetik reformas constitucionales sok sjachibal leyes, jich jil bit'il expropiatorios sok la schapanjilel te banti ay te kanantabil yaxal wits jich bit'il majch'a te k'anbil jil yu'un Ejecutivo Federal. spas sok wok' chapanwanejetik, majch'atik la xchapanjilel ta lek sok koltayot yu'un te dependencias yu'un te Administración Pública Federal.

Li ta sector agrario, ta diciembre yu'un 2018 k'alal ta septiembre yu'un 2021 abot yu'un ya yil muk' a'telil jich bit'il directora ta spisil te Ordenamiento ta propiedades Rural taj Secretaria yu'un te Desarrollo Agrario, Territorial sok Urbano bantij la yak' jilel mantalil sok bit'il ya yich' spasel ta spamlejal k'inal. Oranax la yak' ta pasel sok la yabeytiklan sna' jilel te majch'atik k'anojtiklan yu'un melel te bintik yakal taj paselej. A'tejxan taj yak'el te ajtajibaletik ta ejidos, jich bit'il ya sk'an ya toj yu'untayik te k'inaletik yu'un slum k'inal Yaqui ta Sonora.

Ja'nix jich k'ax ta Secretaria General yu'un Asuntos Individuales tey ta Junta Local yu'un Conciliación sok Arbitraje ja' yu'un Distrito Federal (marzo ta 2013 k'alal taj noviembre yu'un 2014), k'alal ay ta ya'tela la yak' a'yel stojol ta alel te junix ay te ajtajibal yu'un a'telil, jich bit'il mach'atik sk'an ya x'och, ya sk'an ya xk'ax yu'un tsacl. Ta 2007 k'alal tal 2013 k'ax ta auxiliar jurídica yu'un dictámenes ta junta local yu'un Conciliación sok Arbitraje ja' toj soka te Distrito Federal.

La stembey yi'pal jich bit'il consejera Juridica sok Servicios Legales ja' tome soka te Gobierno yu'un Distrito Federal. K'alal ta ya'tel la yabey jil sbej te jefe yu'un te gobierno ta Distrito Federal yu'un ya sk'an ya yich' chappanel te constitucionales yu'un te ach' hora sok bintik xan ya sk'an ya yich alel; ja' nix jich jach ta lekubel te sjach'ibal yu'un te Registro Civil sok ta yotesel te sistema informática jachbil ta alel yu'un te gobierno. Jachtiklan ta lekubel te chapaneletik otesbil ta skontraik te Jefatura yu'un Gobierno, ta Dirección General yu'un Servicios Legales, jachtiklan taj jelunel sok taj lekubel te leyes sok ja' nix jich bit'il informatica sok xan bintik tulan sk'oplal ta alel. Ja'nix jich la yich' chapanel te sjunilal te jlumk'inaletik ja' jich yu'un te Distrito Federal.

Muk'ul ajwalil koltaywanej yu'un te a'telil ja' jich yu'un Distrito Federal (septiembre k'alal ta diciembre yu'un jo'bajk').

Ta julio yu'un waxaklajuneb bajk' sjo'bak'al k'ax ta coordinadora yu'un asesores ta subsecretaria yu'un a'telil sok Previsión Social ja' soka te Distrito Federal.

K'ax ta muk' a'telil jich bit'il directora yu'un Registro Civil ja' soka te Distrito Federal (enero k'alal ta junio jawilal waxaklajuneb bajk' sjo'bak'al)

Ja'nix jich k'ax ta Asociación Nacional yu'un chapanwanejetik Democraticos (ANAD) ta 1995 k'alal 1997.

Aya k'ax ta nopteswanej ta Derecho Procesal yu'un a'telil ta Universidad Autonoma Metropolitana (1993-1994).

P'ijil chapanwanej yu'un ya sjabeyel sbe a'telil sok ya xkoltaywan ja' nix jich yax jnopteswan yu'un te sindicatos sok a'teletik (1970 k'alal ta 1997).